


TAKAFULINK DANA SIMPANAN

HELAIAN FAKTA DANA UTAMA



TAKAFUL & KAMI

Takaful secara literal bermaksud tanggungjawab, keterjaminan, jaminan kolektif dan usahasama. Secara umum, takaful adalah berasaskan pertolongan bersama (Ta'awun) berdasarkan prinsip-prinsip kesepakatan dan solidariti, merangkumi unsur-unsur perlindungan dan kepentingan bersama. Takaful ditakrifkan di bawah Seksyen 2 Akta Perkhidmatan Kewangan Islam 2013, iaitu perkiraan berasaskan pertolongan secara kolektif yang di bawahnya peserta takaful bersetuju menyumbang kepada satu dana yang sama bagi menyediakan manfaat kewangan bersama untuk dibayar kepada peserta takaful itu atau kepada benefisiarinya pada masa berlaku sesuatu kejadian yang telah dipersetujui terdahulu.

Bergantung pada model takaful yang diluluskan, sumbangan peserta akan disalurkan ke dana berasingan untuk pelaburan. Dana-dana* kami hanya dilaburkan di dalam pelaburan patuh Syariah, dalam dan luar negara. Setiap pelaburan dibuat selepas mengambil kira risiko dan pulangan yang terlibat.

Di Prudential BSN Takaful Berhad (PruBSN), kami mendukung nilai-nilai ini melalui amalan profesional bagi menyediakan segala keperluan peserta. Nilai-nilai ini amat jelas dalam setiap transaksi sekaligus menjadikan kami sebagai pilihan berhemat.

Melalui rangkaian agensi dan rakan niaga, kami menyediakan pelbagai produk inovatif yang melindungi setiap aspek kehidupan anda. Daripada perlindungan ke simpanan dan keperluan kerohanian, setiap produk kami direka untuk memberikan ketenangan minda anda.

** Dana-dana Takafulink adalah instrumen pelaburan patuh Syariah.*

TAKAFULINK DANA SIMPANAN

Ciri-ciri Dana	
Objektif Pelaburan	Takafulink Dana Simpanan (Dana) bertujuan untuk memberi aliran pendapatan yang stabil melalui pelaburan dalam instrumen deposit/pasaran wang patuh Syariah.
Strategi & Pendekatan Pelaburan	Dana ini sesuai terutamanya kepada peserta yang berminat terhadap pulangan pelaburan yang lebih stabil berbanding dengan pulangan yang diberikan oleh dana pertumbuhan. Ia juga sesuai bagi mereka yang konservatif dengan keperluan untuk mendapat pendapatan yang stabil. Dana ini bertujuan untuk mencapai objektifnya dengan melabur dalam instrumen deposit/pasaran wang Islam. Ia akan melaburkan 100% Nilai Aset Bersih (NAV) dalam instrumen yang dibenarkan dan patuh Syariah. Strategi pelaburan yang pasif digunakan untuk Dana ini.
Peruntukan Aset	Dana akan melabur 100% dalam instrumen deposit/pasaran wang patuh Syariah.
Tanda Aras Prestasi	Tidak berkenaan
Pengurus Dana	Prudential BSN Takaful Berhad (200601020898 (740651-H))

Yuran & Caj	
Caj <i>Wakalah</i> Pengurusan Aset	Tidak berkenaan
Caj-caj Lain	TIADA

TAKAFULINK DANA SIMPANAN

Prestasi Dana

Tidak ada prestasi dana bagi Takafulink Dana Simpanan kerana harga unit ditetapkan pada RM1 sepanjang tempoh Dana.

Harga Hadapan

Tidak ada penentuan harga hadapan bagi Takafulink Dana Simpanan.

Faktor Risiko & Strategi Pengurusan Risiko

Sila rujuk Lampiran 1 untuk Faktor Risiko dan Strategi Pengurusan Risiko yang terperinci.

Maklumat Lain

Pasaran Sasaran	Peserta yang mempunyai toleransi risiko yang rendah, jangka masa pelaburan yang sederhana hingga panjang dan mahukan perlindungan modal beserta pulangan yang stabil.
Asas & Kekerapan Penilaian Unit	• Harga unit ditetapkan pada RM1 sepanjang tempoh Dana. • Semua keuntungan pelaburan dari Dana akan dimasukkan ke dalam Takafulink Dana Ekuiti di Akaun Unit Pelaburan peserta individu. • Keuntungan pelaburan diisytiharkan berdasarkan kepada tempoh terkunci 12 bulan dari tarikh peruntukkan sumbangan dilaburkan di dalam Dana. • Tiada keuntungan pelaburan yang akan diisytiharkan bagi mana-mana sumbangan yang telah ditarik balik sebelum matang kitaran 12 bulan.
Keadaan Pengecualian	PruBSN boleh menggantung harga unit dan menangguhkan pengeluaran atau penebusan unit, mahupun beralih kepada mana-mana dana, di bawah Dana ini untuk tempoh yang munasabah, misalnya intervensi yang mengakibatkan penutupan sementara mana-mana bursa saham atau penggantungan saham tertentu di mana Dana dilaburkan. Dalam keadaan sedemikian, notis untuk penggantungan mungkin dikeluarkan dan mungkin dimaklumkan kepada Peserta bagi permintaan untuk penambahan, pertukaran, penebusan atau pengeluaran kepada/dari mana-mana dana Takafulink tersebut. <i>Senarai keadaan pengecualian di atas adalah tidak lengkap, sila rujuk dokumen sijil anda untuk butiran lanjut.</i>

Penafian:

Helaian fakta dana utama ini disediakan oleh Prudential BSN Takaful Berhad ("PruBSN") untuk maklumat am dan tujuan ilustrasi sahaja dan tidak sepatutnya dijadikan asas untuk membuat keputusan pelaburan, kewangan atau keputusan-keputusan lain. Walaupun bahan-bahan yang digunakan dalam penyediaan profil dana ini diperolehi daripada sumber-sumber yang boleh dipercayai, PruBSN tidak menjamin ketepatan dan kesempurnaan maklumat. Sebarang analisis dan pendapat yang dinyatakan adalah tertakluk kepada perubahan tanpa notis. Prestasi masa lalu tidak menjamin keputusan masa hadapan. Para pembaca dinasihatkan untuk menghubungi PruBSN atau ejen-ejenjnya untuk butiran lanjut dan penjelasan maklumat yang berkaitan dengan produk yang ditawarkan oleh kami. PruBSN dan mana-mana syarikatnya yang berkaitan menafikan sebarang liabiliti walau apa pun sifatnya, sekiranya para pembaca mengalami kerugian apabila mereka hanya bergantung kepada kandungan maklumat di dalam profil dana ini.

TAKAFUL

Untuk Semua. Untuk Kehidupan

Prudential BSN Takaful Berhad merupakan Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

Prudential BSN Takaful Berhad 200601020898 (740651-H)

Tingkat 13, Menara Prudential, Persiaran TRX Barat, 55188 Tun Razak Exchange, Kuala Lumpur.

Talian Khidmat Pelanggan: +603 2775 7188

E-mel: customer@prubsn.com.my

www.prubsn.com.my

*Semua maklumat dianggap sah pada tarikh penerbitan.
Terbitan Mei 2026.*